

姑無冊封之事故謂之 世子而且欲見宗室此則何以為之鎮遠請並分付
儋臣 上從之○上親臨試儒生殿講居首李根 命直赴會試餘各給分李
健命復白彼人爭執之事漸次張大在彼之道既承皇帝往唁之言則來吊
魂殿禮也必欲邀見 陵所者殊失其體請令儋臣更為爭執鎮遠曰 陵所
受吊非禮也不行吊而參祭亦非禮也非禮之事決不可聽從之意使之開諭
何如 上允之健命又請自由墻後至丁字閣前令訓局都監分左右設布帳
俾得遮蔽碑閣 上亦從之鎮遠又言親臨設行殿講而 魂殿祭奠又令攝
行請察頃日所陳之言以光翕受之德 上納之○丙戌夜自一更至三更巽
方有氣如火光○下教曰 慈殿進上各道朔膳及物膳依前 中宮殿時例
封進方物進上依前勿為封進事有教 慈教至此不得不奉行以此分付該
曹○吏曹判書宋相琦以柳重茂疏斥銓曹陳疏乞遽久不報始 下答令勿
辭○以申思詰為吏曹參議○丁亥○戊子領議政金昌集禮曹判書李觀命
請入 對奏臣出往弘濟院行見官禮後彼言有相議事故與之相見仍謂
陵所設祭本非禮意 返虞後則 魂殿為重之意縷縷開諭則勅使果有許
諾之意乃曰我國則惟重山陵故有此別恩而今若不祭 陵所而還則未免
庚子